

重脩浙江通志稿

第四十八册上
著述

卷之四

重脩浙江通志稿

第四十八冊上著述

竹齋小稿無卷數 明項昕撰

案昕永嘉人有脾胃後論已載醫家類此書見千頃堂書目十七載良九靈山房集十九抱一翁傳翁喜詞章善音律所著有竹齋小稿今佚

采齋集無卷數 明林溫撰

案溫永嘉人舊通志及乾隆永嘉縣志文苑有傳此書載千頃堂書目十七宋濂鑒坡別集二林伯恭詩集叙稱伯恭博極群經尤長於春秋擢至正甲午進士歷佐省憲二府其發於詩也沈頓挫深厚超越大雅奏而黃鐘揚鳴也武庫開而五兵森列也洪濤怒張而魚龍出沒也一展卷間呈珍獻異可欣可愕精神為之震眩云云原集今佚餽懣詩辭入錄

夷齋集無卷數 明林常撰

案常字伯庸永嘉人溫弟溫州府學教授此集見千頃堂書目十七東甌詩集七又云林溫與弟伯庸俱以詩名云原集今佚

菜邁集無卷數 明余堯臣撰

案堯臣永嘉人舊通志及乾隆永嘉縣志文苑有傳此集見千頃堂書目十七錢謙益列朝詩集甲集前編十一余左司堯臣早以文學著客居會稽無意仕進於越之桐桂里治園結茅署曰菜邁已耳入吳居北郭與高啟張羽

為北郭十友即所謂十才子也啟送唐肅序曰余世居吳北郭同里友善者惟王止仲一人十餘年來徐幼文自毗陵高士敏自河南唐處敬自會稽余唐卿自永嘉張來儀自潯陽各以故來居吳而皆與余隣於是北郭之文物遂盛矣羽績懷友詩序曰予在吳城園中與余唐卿諸君游皆落魄不任事故得留連詩酒吳亡之後與楊基徐賁同被徵謫濠洪武二年放遂授新鄭丞此見於高啟荅詩也曰司馬曰左司必東越鎮將版授之職銜今不可考矣

玉雪臺集無卷數 明王份撰

案份字仲質永嘉人事行無考此集據東甌詩集七列於南堯民之前千頃堂書目十七亦列其集於洪武時東甌詩存十五亦列於徐宗起之上固明初年人溫州經籍志二十五謂虞原璩挽王從質客死潘山詩有云吾鄉儒術久凋零幸而斯文尚典刑從仲聲近王從質疑即王仲質也原集今佚惟東甌詩存錄二十七首

梅雪窩集無卷數 明南堯民撰

案東甌詩集七堯民字思尹樂清人洪武初徵不起有梅雪窩集傳於家今佚

壺山行雲集無卷數 明劉南金撰

案南金永嘉人有周易集說已載經部易類此書見千頃堂書目十七及舊通志二百四十九今佚

徐橫陽文集無卷數 明徐興祖撰

案興祖平陽人有易經講義已載經部易類東嘉先哲錄十興祖嘗受書於鄭伯玉受詩於周可仁受易於史文璣盡得其學故於義理尤極精粹至於子史百氏靡不研究遂以學行為一時賢士大夫所譽愛因其所居稱曰橫陽先生文稿若干卷藏於家此書今佚

蓮塘集五十卷 明王瀚撰

案瀚永嘉人有詩書題斷已載五經總義類此書見千頃堂書目十七瀚自撰塘銘有云年二十以詩經登蒼岩先生蔣公文質之門弃去科舉文取歷代史及唐宋諸大家文讀之又與鄉中諸老高公應文陳公叔晉孔公正夫陳公子上相與切磋所著文稿四十卷詩稿十卷今佚

永嘉集十二卷 明張著撰

案著字則明永嘉人有易經精義已載經部易類此集見張金吾愛日精廬藏書志三十四民國初年陳田纂明詩紀事藏明人詩文集最富此集其一

也後歸蔣氏天健樓永嘉黃群又於蔣氏錄副列入敬鄉樓叢書第三集今存原集有廬陵周槩傳為之作傳泰和王直行儉為之作序其詩格文境固已有定論矣

行素稿止軒詩文集無卷數 明趙新撰

案新樂清人有四書說約已載經部四書類此書見千頃堂書目十七東甌詩集七今佚

擊壤集無卷數 明陳謙撰

案乾隆平陽縣志十三洪武五年薦辟陳謙字益仲由明經授良鄉丞溫州經籍志二十五益仲與宋陳益之同名宋濂嘗為作耘軒銘見宋文憲集十八載其官與平陽志同原集今佚

雲林集無卷數 明項伯文撰

案伯文平陽人乾隆平陽志隱逸有傳此書載乾隆平志十九今佚

靜庵集八卷 明黃性撰

案性字思恭永嘉人讀書尋究大義操行清潔元季兵亂方國珍竊據溫台署官屬或勸之仕不出永樂十年以子淮貴封榮祿大夫武英殿大學士有靜庵集八卷詳楊士奇所作神道碑銘見程敏政明文衡七十七今佚

菌翁集鹿岩樵唱樊莊稿無卷數 明李應祁撰

案應祈瑞安人舊通志及嘉慶瑞安志儒林有傳温州經籍志有云東甌續集六千頃堂書目十七元詩選癸集及舊通志應祈作應期温州府志明詩綜十五乾隆永嘉志作應祈乾隆温州府志作應旂惟明李階所輯月泉詩派作應祈當得其實今從之

隱游小稿無卷數 明吳荃撰

案東甌續集四荃字次修號隱游瑞安人此集嘉慶瑞安志未列目蓋佚久矣僅藝文載洞庭秋望詩一首

卓氏遺書五十卷 明卓敬撰

案敬瑞安人有性理發明已載子部儒家類劉球卓忠貞傳稱有遺書十卷詩文五十卷而劉畿刻本出於嘉靖己丑已不獲見其全傳珮原稿云諸生儒詢耆俊窮搜遠索再歷歲月得公稿文二篇詩十六章檢今本卓公遺稿僅多葉繼道墓誌一篇詩二首想靖難變後子姓衰落故所存止此温州經籍志二十五引文瑞樓書三卓氏遺書三卷明仁和卓發之王聞遠孝慈堂書目卓公遺稿一卷顧門稿劉畿校二本篇目當無大異而萬曆温州府志十七嘉慶瑞安縣志九並作卓忠貞文集乾隆温州府志二十七作卓忠貞

文集詩集惟明史藝文志四千頃堂書目十八作卓氏遺書今從之至清代道光時瑞安林從炯別輯卓忠毅公遺稿三卷有陽湖惲敬書後今存

雪溪集無卷數 明陳敏撰

案敏字允政永嘉人洪武丁卯貢生累官至湖廣按察使僉事卒於宣德辛亥詳黃淮介庵集十山西行太僕寺少卿陳公墓志銘原本佚

三山稿在朝稿紫微清暇集致事清歡集歸田樂事集無卷數 明楊景衡撰案景衡瑞安人舊通志及嘉慶瑞安志介節有傳諸集見黃淮介庵集十三乘政致仕楊公墓志銘温州經籍志謂三山集乃其總集之名在朝稿以下其分題之目猶文簡退食歸田入覲三稿總題介庵集也今佚

雲庵詩集無卷數 明徐懷玉撰

案懷玉字文玉永嘉人洪武庚午鄉貢會試中乙榜累官至建寧儒學訓導歸田託雲庵自號寓出而知還之意因以名其詩集見黃淮介庵集十一徐公墓志銘今佚

梅窗集無卷數 明金原祺撰

案祺字原祺以字行永嘉人以貢官常州教授有梅窗稿見黃介庵集十梅窗先生金公墓志銘今佚

愚莊集無卷數 明潘文奎撰

案文奎字景昭號愚莊永嘉人登進士官至湖廣參議兄東甌續集六及萬姓通譜二十五此集見千頃堂書目十八國史經籍志五今佚

竹庵集無卷數 明吳亨撰

案亨永嘉人萬歷温州府志光緒永嘉縣志義行並有傳此集又見黃淮介庵集十一竹庵處士吳公墓志銘今佚

自怡集無卷數 明陳銓撰

案銓字叔權號愚庵永嘉人有自怡集見黃淮介庵集十二愚庵處士陳公墓志銘今佚

黃文簡公介庵集十一卷省愆集二卷 明黃淮撰

案四庫提要云省愆集黃淮撰淮字宗豫永嘉人洪武丁丑進士洪熙初授武英殿大學士累加少保卒謚文簡事具明史本傳此集乃其繫獄時所作故以省愆為名當患難幽憂之日而和平溫厚無所怨尤可謂不失風人之旨故特存之以見其著作梗概介庵集十一卷千頃堂書目不著卷數此本分退直入覲歸田三稿據目錄本十二卷今第七卷已失故以十一卷著錄焉二集今有敬鄉樓叢書印本其卷數次第温州經籍志據明刻本有訂正之

語不備

挂笏軒集無卷數 明劉觀撰

案觀永嘉人有四書通旨已載四書類此集見千頃堂書目十七今佚

劉編修文集無卷數 明劉現撰

案現字朝紬永嘉人觀弟乾隆温州府志介節傳咸豐永嘉縣志官業並有傳此書黃淮為序見介庵集三今佚

覲窩集無卷數 明劉觀撰

案乾隆温州府志二十七覲窩集永嘉劉觀字顯叟著觀事行無考千頃堂書目十七列其集洪武時疑亦劉編修現昆弟行也今佚

弃攬集無卷數 明曹介撰

案嘉慶瑞安縣志七明時薦辟有曹介舉秀才官監察御史善詩文東甌詩集七以介字子直永嘉人蓋舊府縣志往往以溫人繫郡名原集今佚

樗庵集無卷數 明潘畿撰

案乾隆永嘉縣志二十洪武歲貢潘畿字民止翰林院典籍修洪武實錄永樂大典成陞檢討質敏性孝有樗庵集今佚

肅庵集無卷數 明王宗遠撰

案宗遠平陽人萬歷温州府志官業傳乾隆平陽縣志名臣並有傳此書見乾隆平陽志一作冷集見千頃堂書目十七舊通志二百四十九今無傳本矣

水軒集無卷數 明王宗彥撰

案宗彥平陽人乾隆平陽志官業有傳此書載乾隆府志二十七今佚

冷齋集無卷數 明王宗祥撰

案宗祥一名璣平陽人官鳳陽府教授著冷集翰林學士呂叔銘其墓見

乾隆平陽志十五今佚

雪舟吟稿無卷數明章功懋撰

案功懋字子勉平陽人洪武十三年薦辟授興山丞見乾隆平陽志十三千

頃堂書目十七有此集今佚

葦巢集無卷數 明方子深撰

案子深平陽人乾隆平陽志忠臣有傳此集據乾隆平陽志十五七於寇亂今

無傳本東甌詩存僅一首

觀光集一卷 明林文莊撰

案文莊平陽人景英孫洪武十五年以薦辟官興山教諭見乾隆平陽志十

三東甌詩集七此集今佚

蘇庵集無卷數 明梅頤撰

案頤永嘉人有養正篆求己載子部儒家類此書載千頃堂書目十七今佚

惟東甌詩存錄詩二十首

槐陰集無卷數 明王毓撰

案毓字尹成號樵雲永嘉人此書有金原祺稿稱其詩不事險澀不求奇巧惟心所適矢口成章而興致高遠可謂隱逸曠達之詞原文見慎江王世貞弇州四部稿又為之作傳王叔果半山藏稿書此集有言曾重刻以示子姓則當時有印本矣今佚惟千頃堂書目列目耳又東甌續集五有林東愚東愚集陳頃白雲集陳仲能鼓缶集張壚恒庵集俱平陽人而時代無考東愚至佚其名溫州經籍志謂諸人當必在弘治以前姑附之明初諸家之末今引載於此

節庵詩集無卷數 明王宏撰

案宏永嘉人時代事跡無考此集載萬歷溫州府志十七今佚

筠軒詩集無卷數 明王鏞撰

案鏞永嘉人時代事跡無考此集載萬歷溫志十七與王宏並列明初諸人

著述之間今佚

恕庵集吳翰林集無卷數 明吳致文撰

案致文平陽人乾隆溫州府志介節傳平陽縣志官業傳並有傳此書載乾隆平志及府志今佚

燕石稿無卷數 明方祖安撰

案乾隆溫州府志十永樂辛卯舉人方祖安永嘉人任刑科給事中此集載千頃堂書目十八今佚

藏山名世集無卷數 明方以正撰

案以正永嘉人有五經解已載五經總義類此集載千頃堂書目十八一作藏名山詩集誤今佚

陳執中文集無卷數 明陳端撰

案端平陽人乾隆平陽志官業有傳此書載平志十九今佚

錦屏集無卷數 明張真撰

案萬歷溫州府志十永樂乙未陳循榜進士張真平陽人任太常博士東甌詩存十七張真字行素平陽人官安陸州判官此集載千頃堂書十八今佚

錦舟集無卷數 明戴時雨撰

案東甌續集七時雨字伯時號錦舟永嘉人由舉人任訓導此集載千頃堂書目十八今佚

迪齋詩文集無卷數 明鄭夏撰

案夏字迪齋樂清人乾隆温州府志仕績道光樂清縣志介節並有傳此集載乾隆府志二十七今佚

陳光言集無卷數 明陳聳撰

案萬歷温州府志十永樂辛丑曾鶴齡榜進士陳聳永嘉人會魁內江知縣此集見東甌續集七千頃堂書目十八佚

就正稿宦游稿皇華集柏臺稿松月集無卷數 明范霖撰

案霖樂清人舊通志介節傳及道光樂清縣志名臣傳並有傳此集載千頃堂書目十九松月集見舊通志二百四十九今佚

循庵稿無卷數 明孔鐸撰

案鐸平陽人永樂癸卯舉人福安教諭陞國子助教翰林檢討見乾隆平陽志十九今佚

宜齋近稿無卷數 明虞原祐撰

案原祐字宜齋瑞安人此集今佚惟詠蔡節婦詩有虞書附識云從七世祖

宜齋公所作為吾環祖兄博聞攷記亦善吟詠與環祖唱和有宜齋吟稿今佚僅遺此詩環祖即環庵

環庵先生遺稿十卷 明虞原璩撰

案原璩瑞安人有禮記稽疑已載經部禮類此集據温州經籍志云黃文簡作環庵墓志云詩文集十卷其本明萬曆中已無完帙後遂不傳今所見遺稿乃其六世孫淮安衛經歷書采輯林尚春為之刪定仍為十卷前九卷詩二百七十餘篇附詩餘四篇末卷為誌銘別祭文挽詩之屬卷數與黃誌同然掇拾於殘缺之餘詩既僅存梗概文則無復一字若括蒼嶺卻金館記但節存數語附錄中其佚者多矣環庵為革除遺老雖當應修永樂大典之聘卒不受官志節足與龔詡諸人埒行誼淳篤尤為何知府文淵所推惟詩文直抒胸臆不甚擅場然人品既高神思自遠此集所存不能方軌高楊視明季山人曼聲側調以詩文為交通聲氣之具者不啻天壤矣書所采輯亦不苟如題蔡節婦卷題孫雪齋梅花圖題沈惟貞耕牧圖諸詩從故家所藏手蹟錄入送高廷璧指揮使征括寇詩則註見浙音會畧輓金伯遜詩則註見昆陽江南文獻皆一一揭其援據惟間附陳大訓林尚春評語則為明以來編刻詩集之陋習耳

觀光集無卷數 明倪寅撰

案寅瑞安人萬歷温州府志嘉慶瑞安縣志隱逸並有傳此集見千頃堂書目十九今佚

蘭坡初稿三卷續稿五卷擬進時務策一卷 明季德基撰

案德基瑞安人萬曆温州府志義行嘉慶瑞安縣志隱逸並有傳此集據月泉詩派德基一作德幾今佚東甌續集六千頃堂書目十七東甌詩存十八又作德璣皆一人

竹所翁集一卷 明季德珍撰

案德珍字正中號竹所瑞安人德璣弟見東甌續集六此集又見月泉詩派及千頃堂書目十八

集蓼生稿無卷數 明金軒撰

案軒一名伯遜平陽人乾隆平陽志文苑有傳此集有王朝佐稿見乾隆平陽志十九今佚

朴庵集無卷數 明陳文撰

案文字彦章號朴庵官至都指揮致仕有朴庵集東甌續集載其詩三首在金軒後時代無考原集亦佚